

Headline **Lintah berisiko sebar virus HIV**
Date **14. Jan 2009** Language **MALAY**
Media Title **Berita Harian** Page No **34**
Section **Nasional** Article Size **87** cm2
Circulation **192917** Frequency **Daily**
Readership **1521000** Color **Full Color**
AdValue **1857.97**



Lintah berisiko sebar virus HIV

SAYA terpanggil untuk mengulas kenyataan sebuah syarikat pengusaha lintah terhadap potensi penyebaran virus HIV melalui lintah yang disiarkan akhbar *Harian Metro*, Isnin (12 Januari). Ia menafikan kemungkinan potensi penyebaran HIV oleh lintah dengan mengemukakan hasil kajian syarikat itu yang mendapati lintah mempunyai tabiat memilih mangsa yang tidak mempunyai virus berbahaya.

Saya amat berbesar hati sekiranya pihak syarikat berkenaan boleh mengemukakan laporan penuh hasil kajian itu kepada masyarakat bagi penilaian penuh kerana kajian terbitan jurnal antarabangsa mendapati fakta sebaliknya.

Meskipun jangkitan HIV menerusi lintah jarang berlaku, risikonya tetap ada kerana sistem penghadaman mereka menyediakan keadaan yang kondusif untuk virus itu. Malah, tabiat pemakanan memilih seperti yang didapati kajian berkenaan tidak pernah dilaporkan sebelum ini.

Saya kecewa kerana industri herba dan ubat-ubatan tradisional sering memaparkan kajian dan testimonial tidak bertaualiah terhadap produk mereka. Lebih malang lagi, apabila hasil kajian ini diiklankan secara tidak bertanggungjawab dengan melebihkan faedahnya dan meremehkan kelemahan produk itu yang jelas melanggar kod etika pengiklanan ubat-ubatan.

DR ASRUL AKMAL SHAFIE,
Pusat Pengajian Sains Farmasi, USM, Pulau Pinang.